

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 Aasaq naagujoq

Imm. 05 Paasissutissiissutit / Ilisimatitsissutit

Imm. 06 Tamalaat.



Ataatsimiinneq aallartippoq nal. 13:00

Peqataasut:

Atassut

Albrichtine Lynge

Naleraq

Jens M. Lyberth

Siumut

Barnabas Larsen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Akuerineqarput.



Imm. 02 Siulittaasup nalunaarutaa

Siulittaasup nalunaarutaa okt. 2025

Oktoberip aallaqqaataaniik sulianik killiffissiuivunga. Suliat ingerlasut ingerlapput. Naatsorsuutigivaralu kiputtoorpallaarata ukioq naajumaartoq. Puttasuliassat Sanasunit tiguneqarnikut sulii aallartinneqarsimanngillat. (Nukingisaarisooqartariaqassaaq). Oqalliffiup ingerlannissaanut Kommuunita avinneqarnissaanut tunngasunik ataatsimiititsinermi ingerlanneqartussatut aalajangersinnaagutta oqallinnermik pilersitsisinnaavugut. Taamak naatsumik nalunaaruteqarpunga.

Tusaatissatut tiguneqarpoq.

Imm. 03 Powerbi

J.nr.01.00.04

Innersuussut

Innersuussutigineqarpoq ilaasortanit tusaatitut tiguneqarput

Aalajangiineq

Puttasunut tunngatillugu paasiniarnissaa, sananeqarnissaata nukingisaarutigiginissaa kissaatigineqarpoq.

Powerbi tusaatissatut tiguneqarpoq.

Imm. 04 Aasaq naagujoq

J.nr.

Qinnuteqartoq Sunngiffimmi / Pinaveersaartitsinermilu ataqatigiissarisooq Justus Larsen, oqaluuserisassaq siulittaasumit Barnabas Larsen-mit akuersissutigineqarpoq.

Tunuliaqutaq:

Aasaq naagujoq aaqqissuunneqarnissaa saaffiginnittup angorusuppaa.
Aasaq naagujoortoqarusukkuni kajumissutsimik sulerusuttunut, "Salliligaq festival" ikiuukkusuttarpoq, "Qaasuk" ikiuukkusulluni nalunaartarpoq kiisalu Blå Kors ilanngunneqarsinnaapput, peqatigiiffiit allat soqutiginnikkunik aningaasaleerusunnersut aamma aperineqarsinnaapput.

Aningaasaqarnikkut allaffissornikkullu kingunerisinnaasai:

Aningaasaqarnikkut kingunerisinnaasai: Konto siornatigut 1820603501 ullumikkullu: 512020200-0102030000-113171300-010573 ulloq 3.Oktober 2025 ima annertutigisumik imaqarpoq:
218.360,93 kroner

Innersuussut

Allaffeqarfimmiit innersuussutigineqarpoq, qulaani taakkartorneqartut saaffigineqassasut.

Aalajangiineq

23 okt. 2025 "Oqalliffik"-mi Aasaq naagujoq qulequtaliullugu eqqartorneqassaaq.

3.000,00 kr. atornissaa akuerineqarpoq.

Imm. 05 Paasissutissiissutit / Ilisimatitsissutit

- Nunaqarfimmi aqutsisut ataatsimiinnerani 17.September 2025 imaqarniliaq
- Allaffiup pisortaata nalunaarutaa qaammat September 2025

Tusaatissatut tiguneqarpoq.

Imm. 06 Tamalaat.

- Orpik: Nunaqarfiup orpissaa, Sunngiffimmi Pisortaq Helge Heilmann orpik piniassavaa.
- Nunaqarfimmi aqqusinermi juullerpaluttunik kusassaateqarnermut tunngatillugu apeqquteqartoqarpoq.
- Sannaviup matorsua suliaq sumut killinnersoq.
- Sannaviup atortui ajortillugit akinut tunngatillugu allannguisinnaaneq apeqqutigineqarpoq.
- Sannaviup ikaartarfia: Sannaviup tungaanut ikaartarfik ammukartarfia suliaq sumut killinnersoq apeqqutigineqarpoq.
- “Oqalliffik” 23 okt. 2025

Ataatsimiinneq naammassivoq nal. 13:45

